

06/09/2005

DR MAHATHIR BERUCAP MENGENAI HAK ASASI PADA JUMAAT

KUALA LUMPUR, 6 Sept (Bernama) -- Tun Dr Mahathir Mohamad akan menyampaikan ucapan pada satu persidangan anjuran Suruhanjaya Hak Asasi Manusia Malaysia (Suhakam) di Hotel Le Meridien di sini Jumaat ini.

Bekas Perdana Menteri itu akan bercakap mengenai "Globalisasi dan Hak Asasi" pada persidangan itu yang diadakan sempena Hari Hak Asasi 2005.

Pesuruhjaya Suhakam Dr Chiam Heng Keng berkata lebih 400 peserta terdiri wakil-wakil kerajaan dan kedutaan asing, hakim dan peguam serta wakil badan-badan bukan kerajaan dijangka hadir pada persidangan itu yang bertujuan menilai kesan globalisasi terhadap hak asasi di Malaysia.

Penceramah lain termasuk bekas Wakil Tetap Malaysia ke Bangsa-bangsa Bersatu Tan Sri Hasmy Agam, Prof Vitit Muntarbhorn dari Universiti Chulalongkorn, Bangkok dan ketua pengarah Pusat Serantau Asia bagi Menentang Keganasan Md Husin Nayan.

-- BERNAMA

MFD HK MAI